



Republika e Kosovës - Republika Kosova - Republic of Kosova

AUTORITETI RREGULLATOR PËR SHËRBIMET E UJIT
REGULATORNI AUTORITET ZA USLUGE VODE
WATER SERVICES REGULATORY AUTHORITY



NR.01/2021

UDHËZIM ADMINISTRATIV Nr. 01/2021 PËR PËRCAKTIMIN E LARTËSISË SË TAKSËS VJETORE TË LICENCIMIT TË OFRUESVE TË SHËRBIMEVE TË UJIT NË KOSOVË

Neni 1 Qëllimi

Udhëzimi Administrativ ka për qëllim përcaktimin e lartësisë së taksës vjetore dhe metodën e kalkulimit të taksës që duhet ti paguhet Autoritetit Rregullator për Shërbimet e Ujit (në tekstin e mëtutjeshëm "ARRU"), nga të ardhurat bruto të ofruesit të shërbimeve i cili është licencuar nga ARRU.

Neni 2 Fushëveprimi

Udhëzim Administrativ përcakton termat, kushtet dhe procedurat e Ofruesit të Shërbimeve të Ujës-jellësit, Ujërave të Ndotura dhe Furnizuesit e Ujit me Shumicë, krejt së bashku Ofrues të Shërbimeve dhe në rast të bashkimit (shkrijes) të ndonjë Ofruesi të Shërbimeve me një ose më tepër Ofrues të Shërbimeve, pasardhësin e tij.

Neni 3
Taksa e Aplikimit për Licencë

Ofruesi i shërbimeve i paguan ARRU-së taksën e pakthyeshme të paraparë me nenin 14 paragrafin 1 të Ligjit Nr. 05/L-042, në shumën prej 200.00 € (dyqind euro), për paraqitjen e aplikacionit në ditën kur aplikacioni për lëshimin ose përtëritjen e licencës për shërbime i është dorëzuar ARRU-së.

Neni 4
Taksa Vjetore e Licencimit

1. Ofruesi i shërbimeve i paguan ARRU-së taksën e pakthyeshme vjetore të licencimit për vitin që fillon me 1 janar 2021 në pajtim me nenin 14 paragrafin 2 të Ligjit Nr. 05/L-042.
Lartësia vjetore e Taksës së licencimit është përcaktuar të jetë **1.00 %** e bruto faturimit vjetor të raportuara në pasqyrat e të ardhurave të tyre për vitin 2019 të atij Ofruesi të Shërbimeve të Ujit sipas shtojcës dy (2) të këtij udhëzimi.

$$**X = B \times 100/t**$$

Ku:

X = Vlera e Taksës Vjetore të Licencimit e pagueshme nga secili Ofrues i Shërbimeve

B = Shpenzimet e parapara të ARRU për vitin 2021 (shih Shtojcën 1)

t = Qarkullimi vjetor bruto i Ofruesit të Shërbimeve për vitin 2019 (shih Shtojcën 2)

2. Në rast se një Ofrues i Shërbimeve është bashkuar me një apo më tepër Ofrues të Shërbimeve të Ujit, pasardhësi i tij duhet të paguajë taksën vjetore të licencimit që është e pagueshme nga Ofruesi i Shërbimeve të Ujit që është bashkuar (shkrirë).
3. Të gjithë Ofruesit e Shërbimeve të Ujit dhe furnizuesit të ujit me shumicë të Licencuar nga ARRU, janë të obliguar të paguajnë Taksën Vjetore të Licencimit e cila është e ndarë në dymbëdhjetë (12) këste të barabarta në çdo fillim të muajit të vitit kalendarik, më së voni deri më datën pesë (5).

Neni 5
Dispozitat shfuqizuese

Me hyrjen në fuqi të këtij Udhëzimi Administrativ shfuqizohet Udhëzimi Administrativ Nr.01/2020 për përcaktimin e lartësisë së taksës vjetore për vitin 2020.

Neni 6
Hyrja në Fuqi

Ky Udhëzim Administrative për Përcaktimin e Lartësisë së Taksës Vjetore hynë në fuqi me 1 janar 2021

Datë 21 / 12 / 2020
Prishtinë



Bashkangjitur në këtë udhëzim janë edhe shtojcat si në vijim:

Shtojca 1: Shpenzimet ARRU –s sipas kufijve te forte të buxhetit për vitin 2021

*Shtojca 2: Qarkullimi Vjetor i Ofruesve të Shërbimeve në 2019 të audituara dhe
Lartësia e Taksës Vjetore të Licencimit për Ofruesit e Shërbimeve për 2021*

Shtojca 1: Shpenzimet Totale të ARRU-së sipas kufijve të fortë buxhetor për vitin 2021

| SHPENZIMET TOTALE TË ARRU NË 2021 | |
|---|-------------------|
| 1. Shpenzimet e Personelit | 249,330.00 |
| 2. Shpenzimet e Mallërave dhe Shërbimeve | 112,572.00 |
| 3. Shpenzimet e Shërbimeve Publike | 6,503.00 |
| Gjithësejt Shpenzimet e ARRU | 368,405.00 |

Shtojca 2: Qarkullimi Vjetor i Ofruesve të Shërbimeve në vitin 2019 të audituar nga ARRU, si dhe Taksa vjetore e Licencimit për vitin 2021

| SHËRBIMET E UJIT DHE UJËRAVE TË ZEZA DHE UJIT ME SHUMICË 2019 | | | TAKSA VJETORE PËR OFRUESIT E SHËRBIMEVE 2021 | | |
|---|-----------|-------------------------------|---|-----------|---------------------------|
| Emri i Ofruesit të Shërbimeve | Regjioni | Qarkullimi bruto vjetor (EUR) | Emri i Ofruesit të Shërbimeve | Regjioni | Lartësia e taksës vjetore |
| Kompania Rajonale e Ujësjetës "PRISHTINA" sh.a. | Prishtina | 14,673,192.00 | Kompania Rajonale e Ujësjetës "PRISHTINA" | Prishtinë | 146,731.92 |
| Kompania Rajonale e Ujësjetës "BIFURKACIONI" sh.a. | Ferizaj | 2,071,257.00 | Kompania Rajonale e Ujësjetës "BIFURKACIONI" | Ferizaj | 20,712.57 |
| Kompania Rajonale e Ujësjetës "GJAKOVA" sh.a. | Gjakovë | 4,568,298.00 | Kompania Rajonale e Ujësjetës "GJAKOVA" | Gjakovë | 45,682.98 |
| Ofruesi I Ujit me shumicë "IBER-LEPENCI" sh.a. | Prishtinë | 1,210,418.00 | Ofruesi I Ujit me shumicë "IBER-LEPENCI" | Prishtinë | 12,104.18 |
| Kompania Rajonale e Ujësjetës "MITROVICA" sh.a. | Mitrovicë | 3,369,663.00 | Kompania Rajonale e Ujësjetës "MITROVICA" | Mitrovicë | 33,696.63 |
| Kompania Rajonale e Ujësjetës "HIDRODRINI" sh.a. | Pejë | 3,992,965.00 | Kompania Rajonale e Ujësjetës "HIDRODRINI" | Pejë | 39,929.65 |
| Kompania Rajonale e Ujësjetës "HIDROREGJIONI" sh.a. | Prizren | 4,823,060.00 | Kompania Rajonale e Ujësjetës "HIDROREGJIONI" | Prizren | 48,230.60 |
| Kompania Rajonale e Ujësjetës "HIDROMORAVA" sh.a. | Gjilan | 2,157,273.00 | Kompania Rajonale e Ujësjetës "HIDROMORAVA" | Gjilan | 21,572.73 |
| Totali – Ofruesit shërbimeve te Ujit | | 36,866,125.77 | Total taksa vjetore 2021 | | 368,661.26 |